



Број: 05/8-50-14-485-12/16

Сарајево, 7.3.2017.

Z A P I S N I K

12. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 10.11.2016., od 12 do 12,40 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) sazvala je predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Bariša Čolak, Anes Ličina, Borjana Krišto, Ivanka Marković, Vojo Višekruna i Mirsad Isaković.

Odsustvo sa sjednice opravdali su Darko Babalj i Halid Genjac.

Sjednici su prisustvovali i predstavnici institucija vlasti BiH, međunarodnih organizacija u BiH i medija te službenici iz Sekretarijata Parlamentarne skupštine Bosne i Hercegovine (PSBiH):

- Hasim Šabotić, Dragan Slipac i Dragan Anđelić, direktor i zamjenici direktora Agencija za prevenciju korupcije i koordinaciju borbe protiv korupcije;
- Jasmin Pilica, zamjenik generalnog revizora Ureda za reviziju institucija BiH;
- Džihana Hajdarpašić-Misirlić, OSCE;
- Mirsada Lingo-Demirović, Nezavisne novine;
- Nea Manjora, Dnevni avaz;
- Željka Domazet, Glas Srpske;
- Snežana Samardžija, SRNA;
- Dubravko Brdar, iz Kabineta zamjenice predsjedavajućeg Predstavničkog doma PSBiH;
- Zoran Brkić, iz Sektora za odnose s javnošću Sekretarijata PSBiH,
- Ljerka Bojić, rukovoditeljica Sektora za druga parlamentarna tijela PSBiH, i
- Aleksandra Zirojević, iz Sektora za druga parlamentarna tijela.

Kako nije bilo rasprave o prijedlogu dnevnog reda, konstatirano je da 11. sjednica Komisije ima sljedeći

DNEVNI RED

1. Verifikacija Zapisnika 11. sjednice Komisije;
2. Razmatranje Izvještaja o finansijskoj reviziji Agencije za prevenciju korupcije i koordinaciju borbe protiv korupcije za 2015. godinu (sačinilac: Ured za reviziju institucija BiH);
3. Razmatranje Izvještaja o radu Agencije za prevenciju korupcije i koordinaciju borbe protiv korupcije za period 1.1.-30.6.2016. (sačinilac: Agencija za prevenciju korupcije i koordinaciju borbe protiv korupcije);
4. Razmatranje Zahtjeva za davanje mišljenja u vezi s dostavljanjem izvještaja o radu Agencije za prevenciju korupcije i koordinaciju borbe protiv korupcije (podnosilac: Agencija za prevenciju korupcije i koordinaciju borbe protiv korupcije);
5. Razmatranje zahtjeva direktora Agencije za prevenciju korupcije i koordinaciju borbe protiv korupcije za povrat konkursne dokumentacije (podnosilac: Agencija za prevenciju korupcije i koordinaciju borbe protiv korupcije);
6. Razmatranje Informacije o stupanju na snagu Pravilnika o načinu evidencije radnog vremena u Agenciji za prevenciju korupcije i koordinaciju borbe protiv korupcije (sačinilac: Agencija za prevenciju korupcije i koordinaciju borbe protiv korupcije);
7. Tekuća pitanja.

Ad.1. Usvajanje Zapisnika 11. sjednice Komisije

Nije bilo rasprave o Prijedlogu zapisnika 11. sjednice.

Komisija je jednoglasno usvojila Zapisnik 11. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije.

Ad.2. Razmatranje Izvještaja o finansijskoj reviziji Agencije za prevenciju korupcije i koordinaciju borbe protiv korupcije za 2015. godinu (sačinilac: Ured za reviziju institucija BiH)

Uvodne napomene o predmetnom izvještaju dao je zamjenik generalnog revizora Ureda za reviziju institucija BiH Jasmin Pilica, koji je naveo da je Ured za reviziju institucija BiH pozitivno ocijenio Izvještaj o finansijskoj reviziji Agencije za prevenciju korupcije i koordinaciju borbe protiv korupcije. S obzirom na proširenje nadležnosti Agencije, Ured za reviziju ukazao je na potrebu daljnjeg razvoja institucionalnih i administrativnih kapaciteta i osiguranje nezavisnosti ove agencije.

U raspravi o ovoj tački dnevnog reda učestvovali su: član Komisije Mirsad Isaković, direktor i zamjenik direktora Agencije za prevenciju korupcije i koordinaciju borbe protiv korupcije Hasim Šabotić i Dragan Slipac. U vezi s tim, rukovodstvo Agencije naglasilo je da postoje ograničenja u materijalno-tehničkom opremanju ove agencije, kao i u njenom kadrovskom popunjavanju. Članove Komisije upoznali su i s primjenom Pravilnika Vijeća ministara BiH o uslovima nabavke i načinu korištenja službenih vozila u institucijama Bosne i Hercegovine, prema kojem im je dato pravo na korištenje tri službena vozila. Izrazili su očekivanja i podršku članova Komisije i Parlamentarne skupštine BiH, kao i do sada.

Komisija je jednoglasno usvojila Izvještaj o finansijskoj reviziji Agencije za prevenciju korupcije i koordinaciju borbe protiv korupcije za 2015. godinu.

Ad.3. Razmatranje Izvještaja o radu Agencije za prevenciju korupcije i koordinaciju borbe protiv korupcije za period 1.1.-30.6.2016. (sačinilac: Agencija za prevenciju korupcije i koordinaciju borbe protiv korupcije)

U raspravi o ovoj tački dnevnog reda učestvovali su članovi Komisije Borjana Krišto i Vojo Višekruna.

Nakon rasprave, ***Komisija je jednoglasno usvojila Izvještaj o radu Agencije za prevenciju korupcije i koordinaciju borbe protiv korupcije za period 1.1.-30.6.2016.***

S ciljem pružanja pomoći Agenciji za prevenciju korupcije i koordinaciju borbe protiv korupcije u rješavanju problema navedenih u predmetnom izvještaju, Komisija je jednoglasno usvojila i sljedeće **zaključke**:

1. Zadužuje se Vijeće ministara BiH da podrži svaku aktivnost Agencije za prevenciju korupcije i koordinaciju borbe protiv korupcije na provođenju Strategije za borbu protiv korupcije za period od 2015. do 2019. godine i Akcionog plana za njeno provođenje.
2. Zadužuje se Vijeće ministara BiH da pruži svu neophodnu tehničku, organizacionu i finansijsku pomoć Agenciji za prevenciju korupcije i koordinaciju borbe protiv korupcije u rješavanju njenog materijalno-tehničkog opremanja i kadrovskog popunjavanja, s ciljem efikasnog rada ove agencije.

Ad.4. Razmatranje Zahtjeva za davanje mišljenja u vezi s dostavljanjem izvještaja o radu Agencije za prevenciju korupcije i koordinaciju borbe protiv korupcije (podnosilac: Agencija za prevenciju korupcije i koordinaciju borbe protiv korupcije)

U raspravi o ovoj tački dnevnog reda članovi Komisije saglasili su se da je, u vezi s predmetnim zahtjevom kao i s primjenom Pravilnika Vijeća ministara o uslovima nabavke i načinu korištenja službenih vozila u institucijama BiH, neophodno uputiti dopis predsjedavajućem Vijeća ministara BiH s pratećim mišljenjem Komisije, te u okviru toga naglasiti zakonom utvrđen nezavisan status Agencije za prevenciju korupcije i koordinaciju borbe protiv korupcije.

U vezi s tim, Komisija je jednoglasno usvojila i sljedeće **zaključke**:

- 1. Komisija cijeni da nije dobro da se ograničavanjem broja automobila Agenciji onemogućava i ograničava njen efikasan rad, te poziva Vijeće ministara BiH da preispita svoju odluku, posebno uzimajući u obzir činjenicu da je riječ o nezavisnoj agenciji.**
- 2. Komisija smatra da Agencija za prevenciju korupcije i koordinaciju borbe protiv korupcije nije u obavezi i ne treba da dostavlja izvještaje o radu Vijeću ministara BiH, jer je riječ o nezavisnoj i samostalnoj organizaciji koja, u skladu sa Zakonom o Agenciji za prevenciju za prevenciju korupcije i koordinaciju borbe protiv korupcije, za svoj rad odgovara Parlamentarnoj skupštini Bosne i Hercegovine.**

Ad.5. Razmatranje zahtjeva direktora Agencije za prevenciju korupcije i koordinaciju borbe protiv korupcije za povrat konkursne dokumentacije (podnosilac: Agencija za prevenciju korupcije i koordinaciju borbe protiv korupcije)

Komisija je razmatrala zahtjeve direktora Agencije za prevenciju korupcije i koordinaciju borbe protiv korupcije, akti broj: 05/8-50-14-7/16, od 27.9.2016. i 5.10.2016., da od Komisije preuzmu konkursnu dokumentaciju na revers radi obaveznog upotpunjavanja personalnog dosjea članova novoimenovanog rukovodstva Agencije, a da se pri tome izbjegne obaveza ponovnog pribavljanja navedenih dokumenata.

Obrazlažući da Parlamentarna skupština BiH, u skladu s čl. 7., 10. i 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), mora sačuvati svu dokumentaciju u vezi s procedurom izbora, uključujući i javni konkurs i potpune prijave, zbog čega se dokumenti ne vraćaju kandidatima, a što je navedeno u tekstu konkursa, Komisija je jednoglasno odbila predmetne zahtjeve Agencije za prevenciju korupcije i koordinaciju borbe protiv korupcije.

Ad.6. Razmatranje Informacije o stupanju na snagu Pravilnika o načinu evidencije radnog vremena u Agenciji za prevenciju korupcije i koordinaciju borbe protiv korupcije (sačinilac: Agencija za prevenciju korupcije i koordinaciju borbe protiv korupcije)

Nije bilo rasprave o predmetnoj informaciji.

Članovi Komisije jednoglasno su primili k znanju Informaciju o stupanju na snagu Pravilnika o načinu evidencije radnog vremena u Agenciji za prevenciju korupcije i koordinaciju borbe protiv korupcije.

Ad.7. Tekuća pitanja

U okviru tekućih pitanja razmatran je poziv direktora Agencije za prevenciju korupcije i koordinaciju borbe protiv korupcije Hasima Šabotića upućen članovima Komisije da posjete Agenciju za prevenciju korupcije i koordinaciju borbe protiv korupcije u njenom sjedištu u Istočnom Sarajevu, te da 9.12.2016. prisustvuju konferenciji povodom Svjetskog dana borbe protiv korupcije, koju Transparency International BiH organizira u saradnji s ovom agencijom u Sarajevu.

Članovi Komisije jednoglasno su prihvatili poziv za posjetu ovoj agenciji i zadužili sekretara Komisije da, u saradnji s rukovodstvom Agencije, dogovori termin posjete.

Sjednica je završena u 12,40 sati.

Sastavni dio ovog zapisnika čini tonski snimak 12. sjednice Komisije.

Zapisnik sastavila
Ljerka Bojić

Predsjedavajuća Komisije
Aleksandra Pandurević

Dostavljeno:

- naslovu
- a/a